

傷寒

下中五

景岳全書卷八



景岳全書傷寒典目錄須集

卷之七

傷寒上

經義一

初診傷寒法三

風寒辨五

六經證七

陽證陰證疑三

兩感十一

寒熱辨十三

傷寒總名二

論脈四

傷寒三證六

傳經辨八

三陽陽明證十

表裏辨十三

論汗十四

附合病併病



北京中医药大学图书馆版权所有

論性十五

看目十七

飲水十九

再論陰證陽證及李子建傷寒十勤之害二十

論傷寒古治法二十二

麻黃桂枝辨二十四

治法二十六

補中亦能散表二十八

傷寒三表法三十

病宜速治三十三

論下十六

舌色辨十八

三陽陰證辨二十

論古法通變二十三

論一時皆合病併病二十四

論虛邪治法二十七

寒中亦能散表二十九

傷寒無補法三十一



北京中医药大学图书馆版权所有

卷之八

傷寒下

溫病暑病 三十三

發黃 三十五

風濕 三十五

陰厥陽厥 三十九附

衄血 四十一

熱入血室 三

嘔吐噦證 四十五

虛證 四十七

發斑 三十四

發狂 三十六

結胸 二十八

譫言鄭聲 四十

蓄血 四十二

胸脇腹滿 四十四

勞力感寒 四十六

動氣 四十八



南京中醫藥大學圖書館版權所屬

金匱要略
傷寒

戰汗 四十九

吐衄 五十一

下利 五十二

小便 五十五

傷寒逆證 五十七

頭汗 五十一

腹痛 五十二

協熱下利 五十四

死證 五十六

傷寒治例 五十八

景岳全書傷寒與目錄終



南京中医药大学图书馆版权所有

景岳全書卷之七須集 傷寒典

傷寒

經義一

水執穴論帝曰人傷於寒而傳為執荷也岐伯曰夫寒盛則生
熱也○內經傷寒諸義并諸治法之未備者俱補載瘟疫
門所當參閱
傷寒總名二

黃帝曰今夫執病者皆傷寒之類也又曰凡病傷寒而成溫者

會稽 張介賓 會卿著

西園 黃廷璋 我砂氏訂



北京中医药大学图书馆版权所有

先夏至日爲病溫後夏至日爲病暑此皆內經之明言也故凡
病溫病熱而因於外感者皆本於寒卽今醫家皆謂之爲傷寒
理宜然也近或有以溫病熱病謂非真傷寒者在未達其義耳
初診傷寒法三

凡初診傷寒者以其寒從外人傷於表也寒邪曰外而入必由
淺漸深故先白皮毛次入經絡又次入筋骨而後及於臟腑則
病日甚矣故凡病傷寒者初必發熱憎寒無汗以邪閉皮毛病
在衛也漸至筋脉拘急頭昏骨節疼痛以邪入經絡病在營也
夫人之衛行脉外營行脉中今以寒邪居之則血氣混淆經絡
壅滯故外證若此此卽所謂傷寒證也自此而漸至嘔吐不食

脈滿等證則由外入內由經入府皆可因證而察其表裏矣若
或肌表無執亦不憎寒身無疼痛脈不弦數者此其邪不在表
病必屬裏凡察傷寒此其法也

論脈四

傷寒之邪實無定體或入陽經氣分則太陽爲首或入陰經精
分則少陰爲先其脈以浮緊而有力無力可知表之虛實沉緊
而有力無力可知裏之虛實中而有力無力可知陰陽之凶吉
診之之法當問證以知其外察脈以知其內先病爲本後病爲
標能參合脈證而知緩急先後者乃爲上工
一診法曰浮脈爲在表故凡脈見浮緊而數者卽表邪也再加



以頭項痛腰脊強等證此即太陽經病當求本經輕重而解

一脈見洪長有力而外兼陽明證者即陽明在經之邪也宜求

本經之寒熱以散之

一脈見弦數而兼少陽之證者即少陽經半表半裏之病宜和

一沉脈為在裏病屬三陰詳具後六經證辨中但沉數有力是

即熱邪傳裏也若表證深人而因見大滿大實陽邪熱結等

一沉緊無力而外無大熱內無煩渴等病此陰證也若或畏寒

厥冷及嘔吐腹痛瀉痢者此即陰寒直中治宜溫中也

一脈大者為病進大因邪氣勝病且甚也脈漸緩者為邪退緩

則胃氣至病將愈也此以大為病進固其然也然亦有宜大

不宜大者又當詐辨如脉體本大而再加洪數此則病進之
脉不可常也如脉體本小因服藥後而漸見滑大有力者此
白陰轉陽必將汗解乃為吉兆蓋脉至不鼓者由氣虛而然
無陽豈能作汗也後論汗條中有按當俞閱之

仲景傷寒論曰脉有陰陽者何謂也曰凡脉浮大數動滑皆陽
也沉澁弱弦微皆陰也○諸脉浮數而發熱惡寒身痛不欲
飲食者傷寒也若洒淅惡寒飲食如常而痛偏一處者必血
氣壅遏不通成癰膿也○寸口脉浮為在表沉為在裏數為
在府遲為在藏○寸關尺三部浮沉大小遲數同等雖有寒
熱不解者此脉陰陽為和平雖劇必愈○其脉浮而汗出如

流珠者陽氣衰也○脉瞥瞥如蠶上珠者陽氣微也○脉紫
紫如蜘蛛絲者陽氣衰也○脉綿綿如瀉漆之絕者亡其血
也○其脉沉者榮氣微也○若脉浮大者氣實血虛也○脉
微緩者爲欲愈也○陽脉浮陰脉弱者爲血虛血虛則筋急
也○脉微弱而惡寒者此陰陽俱虛不可更發汗更吐更下
也○陰證無脉溫之而脉微續者生暴出者死○陰病見陽
脉者生陽病見陰脉者死

論曰寸脉微名曰陽不足陰氣上入於陽中則洒淅惡寒也尺

脉微名曰陰不足陽氣下陷入陰中則發熱也○寸口脉微
而濇微者衛氣不行濇者榮氣不足衛氣衰面色黃榮氣不

足面色青紫爲根衛爲葉葉衛俱微則根葉積弱而寒慄欬逆唾腥吐涎沫也

論曰緊脈從何而來曰假令亡汗若吐以肺裏寒故令脈緊也○假令欬者坐飲冷水故令脈緊也○假令下利以胃中虛冷故令脈緊也○按此言緊者即弦搏不軟之謂蓋重言其緊而無清數之意乃陽明胃氣受傷之脈故主爲陰寒之證若緊而兼微則必以外邪所致

愚按浮爲在表沉爲在裏此古今相傳之法也然沉脈亦有表證此陰實陽虛寒勝者然也浮脈亦有裏證此陽實陰虛水虧者然也故凡欲察表邪者不宜單據浮沉只當以緊數與

否爲辨方爲的確蓋寒邪在表脉皆弦數緊數甚者邪亦甚
緊數微者邪亦微緊數浮洪有力者邪在陽分卽陽證也緊
數浮洪無力者邪在陰分卽陰證也以緊數之脉而兼見表
證者其爲外感無疑卽當治從解散然內傷之脉亦有緊數
者但內傷之緊其來有漸外感之緊發於陡然以此辨之最
爲切當其有似緊非緊但較之平昔稍見滑疾而不甚者亦
有外感之證此其邪之輕者或以初感而未甚者亦多見此
脉是又不可不兼證而察之也若其和緩而全無緊疾之意
則脉雖浮大白非外邪之證

按陶節菴曰夫脉浮當汗脉沉當下固其然也然其脉雖浮亦

有可下者謂邪熱入府六便難也設使大便不難豈敢下乎
其脉雖沉亦有可汗者謂少陰病身有熱也設使身不發熱
豈敢汗乎若此之說可見沉有表而浮亦有裏也

風寒辨五

凡病傷寒者本由寒氣所傷而風即寒之帥也第以風寒分氣
令則風主春而東寒主冬而北以風寒分微甚則風屬陽而淺
寒屬陰而深然風送寒來寒隨風入透骨侵肌本為同氣故凡
寒之淺者即為傷風風之深者即為傷寒而不淺不深半正半
邪之者即為瘧疾其有留於經絡而收體疼痛者則為風痺
然則傷風也傷寒也瘧疾風痺也皆風寒之所為也觀靈樞九

官八風篇及歲露論所載俱甚言虛邪賊風之爲害口問篇言
賊爲寒熱此皆指風爲寒邪也卽如冬傷於寒者宜乎其爲
傷寒也若春夏秋三時之感冒則孰非因寒亦孰非因風而入
之故仲景曰凡傷寒之病多從風寒得之始因表中風寒入裏
則不消矣未有溫覆而當不消散者豈非風寒本爲同氣乎內
經曰謹候虛風而避之故聖人曰避虛邪之道如避矢石然邪
弗能害此之謂也此杜漸防微之道也

傷寒三證六

夫傷寒爲病蓋由冬令嚴寒以水冰地裂之時最多殺厲之氣
人觸犯之而卽時病者是爲正傷寒此卽陰寒直中之證也然

惟流離窮困之世多有之若時常治平民安飽煖則直中之病
少見此傷寒之一也○其有冬時感寒不即病者寒毒藏於營
衛之間至春夏時又遇風寒則邪氣應時而動故在春則為溫
病在夏則為暑病是以辛苦之人春夏多溫熱病者皆由冬時
觸寒所傷故隨氣傳變本非即病正傷寒之屬所當因其寒熱
而隨證調治之此傷寒之二也○又有時行之氣者如春時應
煖而反寒夏時應熱而反涼秋時應涼而反熱冬時應寒而反
溫此非其時而有其氣是以一歲之中長幼之病多相似皆是
即時行之病感胃虛風不正之氣隨感隨發凡稟弱而不慎起
居多勞倦者多犯之此傷寒之三也凡此三者皆傷寒之屬第

其病有不同治有深淺苟不能辨則必致誤人

六經證七

太陽經病頭項痛腰脊強發熱惡寒身體痛無汗脈浮緊以太陽經脈由脊背連風府故爲此證此三陽之表也

陽明經病爲身熱目疼鼻乾不眠脈洪而長以陽明主肌肉其脈挾鼻絡於目故爲此證此三陽之裏也

少陽經病爲胸脇痛耳聾寒熱口苦咽乾目眩脈弦而數以少陽之脈循脇肋絡於耳故爲此證此三陽三陰之間也由此漸入三陰故爲半表半裏之經

太陰經病爲腹滿而吐食不下噤手足自溫或自利腹痛不